

SCRIPT OF MORNING GOJRI NEWS BULLETIN 22FEB 2025 1015HRS

مارننگ گوجری نیوز بولٹن 22 فروری 2025

یوہ آکاشوانی جموں ہے محبوب سلطان تیں خبر سُنو۔

PM MARATHI SAMMELAN

وزیر اعظم نریندر مودی نے پچھلے تہارے نوی دہلی مانہ ۸۹ ویں اکھیل بھارتیہ مراٹھی سبائتھ سمیلن گو افتتاح کرتا مانہ کیو ہے جے زبان گی رکاوٹاں نانہ دور کرنو مہاری اجتماعی ذمہ داری ہونی چاہیے جناب مودی نے اس گل نانہ اُجاگر کرتا مانہ کیو جے مہارا شترا گا کئی سنتاں نے بھکتی تحریک گے زریعہ مراٹھی بولی نانہ سماج مانہ اک نوی سمت دسی ہے وزیر اعظم نے کیو جے سرکار ہر بولی نانہ اک مرکزی آواز گے طور ور دیکھے اُنہاں نے کہیو جے بھاری زبانوں گے بشکار کدے وی کوئی دشمنی نہیں رہی بلکہ اُنہاں نے اک دوسرے نانہ ہمیشہ بلند کیو ہے وزیر اعظم نے کہیو جے سن ۸۱ سو ۸۷ تو اکھل بھارتیہ مراٹھی سمیلن ملک گا ۱ سو ۷۴ سالہ سفر گو گواہ رہیو ہے اُنہاں نے مزید کیو جے یا کانفرنس ایسا ویلا مانہ ہو رہی جد قوم چہتر پتی شیواج مہاراج گی تاجبوشی گو ۳ سو ۰۵ وہ سال منارہی ہے۔ اس ترا روزہ سمیلن مانہ بکھ بکھ موضوعات ور گل بات کتا باں گی نمائش ثقافتی پروگرام تے ممتاز ادبی شخصیات سنگ گل بات گا سیشن منعقد وے گا۔

CM CIT

وزیر اعلیٰ عمر عبداللہ نے جموں کشمیر مانہ اک ایسو معاشی نظام گا فروغ واسطے ذمہ دارانہ کاروباری طریقوں کی ضرورت ور زور پایو ہے جہیڑو پائیداری نانہ یقینی بنا سکیں اُنہاں نے اس گل گو اظہار پچھلے تہارے سرینگر مانہ بھارتی صنعتاں گی وفاقی تنظیم سی آئی آئی جموں کشمیر گی سالانہ تقریب ۲ ہزار ۵۲ سنگ خطاب گے دوران کیو اس تقریب گو موضوع شاندار جموں کشمیر نوی ترقیاتی ہرف گی طرف گا مزین رکھیو گیو ہے جموں کشمیر مانہ سرمایہ کاری گا فروغ گی وکالت کرتا مانہ وزیر اعلیٰ نے اس گل ور زور پایو ہے ایسی سرمایہ کاری ان قوانین گے تحت ہونی چاہیے جہیڑا زرعی زمین گی حفاظت نانہ یقینی بناویں یا زمین مانہ سرمایہ کاری واسطے مناسب ضابطہ متعارف کراوے جسراں ہماچل پردیش مانہ معقول پابندی لاغے مقامی نوجواناں واسطے روزگار گا موقع روزگار گا موقع فراہم کیا گیا ہیں۔ اس تقریب مانہ خوراک سول سپلائی تے صارفین امور گا وزیر ستیش شرما وے مہمان زی وقار گے طور شامل ہویا تھا تے اُنہاں نے اس تقریب سنگ خطاب وی کیو۔

CM RAABITA

وزیر اعلیٰ عمر عبداللہ نے پچھلے تہارے سرینگر مانہ وزیر اعلیٰ گا عوامی خدمات تے رسائی گا دفتر رابطہ گی کارکردگی گو جائیزو لین تے عوامی شکایتاں گا حل واسطے اس گا کردار نانہ مزید مضبوط کرن گا مقصد سنگ اک جائیزہ اجلاس غی صدارت کی۔ اس میٹنگ گے دوران وزیر اعلیٰ نے ہدایت جاری کرتا مانہ کیو جے نوڈل افسراں نانہ ضلعی سطح ور نامزد کیو جے تانجے عوامی مسائل نانہ تاولے تے موثر طریقہ کار سنگ ضل کیو جے اُنہاں نے لوکاں تک پچن واسطے اک حکمت عملی اپنان ور زور پایو تے اُن گو مزید کہنو تھو جے ہر شہری توڑی سرکاری پہلاں تے شکایتاں گا حل بارے نظام نانہ یقینی بناویں جے اس

ضمنمانہ سابق آئی اے ایس افسر خواشید احمد گنائی کی قیادت مانہ متاثرہ شہریاں گا اک گروپ جی سی سی گا وفد نے رابطہ دفتر مانہ وزیر اعلیٰ سنگ ملاقات کر گئے یکساں عمارت سازی گا قانون یو بی بی ایل مانہ مجوزہ ترامیم ور اپنی تشویش گو اظہار کیو وزیر اعلیٰ نے اس وفد کی گل بات سنن توں بعد اس گل کی یقین بیانی کرائی جے حکومت اُن کی طرفوں چایا گیا اعتراضات گو جائزو لے گی۔

RANA JNU

جنگلات جل شکتی تے قبائلی امور بارے وزیر جاوید احمد رانا نے پچھلے تہاڑے کیو ہے ڈاکٹر مسعود احمد چودھری گو نظریو تنگ نظری تے محدود سیاست توں اچو تھو تے وی اک منصفانہ تے جامو معاشران بنان گا حامی تھا اُنہاں نے اس گل گو اظہار جواہر لال نہرو یونیورسٹی جے این یو نوی دلی مانہ مرکز بارے قبائلی مطالعات کی طرفوں منعقدہ اک کانفرنس سنگ خطاب گے دوران کیو اس سیمینار گو عنوان جموں کشمیر کی قبائلی شناخت واسطے اک جامع نقطہ نظر ڈاکٹر مسعود احمد چودھری کی زندگی تے ورثہ نانہ خراج عقیدت پیش کرنو رکھیو گیو تھو جناب جاوید رانا جہیڑا اس موقع ور مہمان خصوصی تھا نے کہیو جے جناب مسعود چودھری دات تے قبیلہ کی تنگ سیاست گے خلاف جدوجہد کی علامت تھا اس تقریب گے دوران ممبر پارلیمان غلام علی کٹھانہ تے بکھ بکھ پروفیسراں نے جناب مسعود چودھری نانہ خراج تحسین پیش کیو تے اُنہاں نانہ اک عظیم دانشور تے باحلاصیت منظم قرار دتو۔

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوے واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوے گا بسنیک وین تے اُن غی عمر غی حد ۴۲ براں تے ۰۵ براں توڑی مقرر کی گئی ہے پی ٹی سی غی اس پوسٹ واسطے تعلیمی قابلیت پی جی ڈپلمو یا صحافت غا شعبہ مانہ ڈگری یا پھر تسلیم شدہ یونیورسٹی تیں گرجویشن غے ہمراہ ۲ براں گو صحافت مانہ تجربو مقرر کیو گیو ہے۔ اس تیں علاوہ کمپیوٹر تے وڈ پروسیسنگ نالے خبر اکٹھی کرن آلا آلات نے میڈیا کوریج مانہ تجربو وی ضروری ہے۔عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوے یا اس تیں ۰۱ کلو میٹر غ ادائرہ غے اندر رہائش پزیر وے اس سلسلہ مانہ درخواست غی ہاڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہ بزات خود آئیندہ ۷ مارچ توڑی دے سکیں۔ اس بارے مزید جانکاری ویب سائٹ www.newsonair.gov.in ور دستیاب ہے۔

PM MKB

وزیر اعظم نریندر مودی ۳۲ فروری ناں آکاشوانی ور من غی بات پروگرام مانہ ملک تے بیرون ملک مانہ رہ رہیا لوکاں سنگ اپنا خیالات سانجہ کریں گایاہ مہینہ وار ریڈیو پروگرام غی ۱ سو ۹۱ وین قسط وے گی۔یوہ پروگرام آکاشوانی تے دور درشن غا پورا نیٹ ورک اے آئی آر خبراں کی ویب سائٹ تے نیوز آن اے آئی آر موبائل ایپ ور وی نشر کیو جے گو۔اس تیں علاوہ مذکورہ پروگرام اے آئی آر نیوز ڈی ڈی نیوز وزیر اعظم گا دفتر تے وزارت

اطلاعات ونشريات غا يو ٲيوب چينلاں ور وى مجازى طور چلايو جائے گو۔آكاشوانى اس پروگرام نانہ ہندى نشرياتى تىں ٲھيك بعد علاقائى زبانان مانہ نشر كرے گو۔

DC RAJOURI

ڈپٲى كمشنر راجورى ابھيشيك شرما نے پچھلے تہاڑے ڈى سى دفتر كانفرنس حال مانہ اك ميٲنگ كى صدارت كرگے آن آلا مہا شيو راترى تے رمضان بارے كيا كيا بندوبست گو جائزو ليو اس ميٲنگ مانہ اس گل ور زور پايو كيو جے ان تہواران گے دوران بنيادى سہولتان كى بلا ركاوٲ فراہمى تے حفاظتى تے عوامى سہوليات نانہ يقينى بنايو جے اس ضمن مانہ ڈپٲى كمشنر نے متعلقہ افسران نانہ ہدایت جارى كرتا مانہ كہيو جے وے ضرورت اشياء كى قيمتان ور تزديكى نظر ركھیں تے دودھ پنير سبريان تے ديگر ضرورى اشياء غے بغير ركاوٲ دستيابى نانہ يقينى بناوے۔
